



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

23. Habet in veneratione quicquid Domini Plagas in Cruce acceptas
repræsentat. B. Aloysius Gonzaga, Italus.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

Reverendissimo Cardinali Aldobrandino
 Domino meo relinquo id, quo pretiosius nihil
 habeo, videlicet, CRUCEM ligneam, Reli-
 quijs pretiosissimis refertam c.

a Anno M. D. XCIX. b Oratio tertia ex quin-
 quaginta c Iacobus Fuligattus in Vita Bellarm.
 l. 7. c. 4. Italice ex versione Silvestri Petra-Sancta.

III.

AMATOR CRUCIFIXI

Habet in veneratione, quicquid Domini
 plagas in Cruce acceptas repræsentat.

23.

ALOYSIVS
 GONZAGA
 Italus.

V NIVS è multis memoriam refricat
 Testamentum Bellarmini, in quo
 reperio scriptum. Quod attinet ad locum
 sepulchri, libenter jacere corpus meum vo-
 luissem ad pedes B. Aloysij Gonzaga, mei quon-
 dam spiritualis filij. Nimirum, ut qui in
 vita fuerat ei similis, amando tenerimè,
 & exprimendo exactissimè, pro status
 cujusque conditione, CRUCIFIXVM, ita
 post mortem non separarentur.

De ALOYGIO autem, præter tot alia
 in superioribus enarrata, refert Vitæ
 scriptor: quòd cum matre suâ fortè ob-
 errans, cum rarum quendam lapillum
 offendisset, notis quibusdam expressis
 distinctum, quæ sacratissimas CHRISTI
 PLAGAS perspicuè referebant, eum,
 velut CHRISTI dolorum, ac VULNE-
 RVM

IMITATRIX CRUCIFIXI. 41
RVM indicem, & monitorem multâ in
veneratione habuerit.

Virgilius Ceparius in Vita Aloysij.

IV.

AMATOR CRUCIFIXI

*Carissimam habet effigiem sui Crucifixi
amabilem juxtâ ac miserabilem,
quam moriens, quoad licet, intuetur,
ac cum illo dulcissimè agit.*

ROBERTVS BELLARMINVS, cum
esset penè in extremis, ingenti su-
spirio de repente congemuit, dictitans:
O quàm miserè falluntur, qui cum perditè
vivunt, credunt, posse se laudabiliter mori! Be-
nè vivere, & benè mori satis congruunt: at,
vitam probrosam honestus exitus rarò exci-
pere solet.

24.
ROBERTVS
BELLAR-
MINVS
Italus.

Paulò pòst, Mutius Vitellescus Præ-
positus Generalis Societatis IESV, ei ho-
ram mortis, quam optaverat nunciavit.
Tum Ipso, ut Sapiente dignum erat,
mortem etiam lætus admittens, & su-
perfundenti se lætitiæ vix temperans,
ter illud ingeminavit: O lætum nun-
cium! ô nuncium optabile! non est,
quod curas jam alias agitem. Voluisssem,
fateor, annum integrum in hoc loco,
(erat in Tironum religiosorum domi-
cilio) ad profectiorem in hanc me com-
parare